



SIARAN MEDIA KEMENTERIAN SAINS, TEKNOLOGI DAN INOVASI

MALAYSIA TECHLYMPICS 2026 PERINGKAT ZON TIMUR 2.0 CAPAI PENYERTAAN 978 ORANG PESERTA

BACHOK, 23 OGOS 2026 – Malaysia Techlympics 2026 Peringkat Zon Pantai Timur 2.0 menyaksikan seramai 978 orang peserta dari negeri Kelantan untuk bersaing bagi melayakkan diri ke Peringkat Akhir Kebangsaan yang akan diadakan pada bulan November 2026 di MAEPS, Serdang.

Malaysia Techlympics 2026 Peringkat Zon Pantai Timur 2.0 merupakan pelaksanaan zon kedua yang diadakan di Universiti Malaysia Kelantan (UMK).

Program ini merupakan inisiatif Kementerian Sains, Teknologi dan Inovasi (MOSTI) dalam usaha memupuk minat generasi muda terhadap Sains, Teknologi, Kejuruteraan dan Matematik (STEM) melalui pendekatan pertandingan yang lebih menyeronokkan, membudayakan belia dengan minda kritikal, set kemahiran dan inovasi yang lebih bermakna serta berimpak tinggi.

Dalam ucapan oleh YAB Dato' Panglima Perang Ustaz Dato' Haji Mohd Nassuruddin Bin Haji Daud, Menteri Besar Kelantan, penganjuran matlamat dan objektif utama penganjuran Malaysia Techlympics adalah pembudayaan STI kepada kumpulan sasar melalui pendekatan secara praktikal (*hands-on*) dan tidak formal serta melalui kaedah pembelajaran berasaskan pengalaman (*experiential learning*) dan pertandingan melibatkan pelajar dan belia di semua peringkat umur, jantina dan bangsa.

MOSTI komited dalam pelaksanaan inisiatif-inisiatif untuk memupuk minat para pelajar dan belia terhadap STI menerusi program Malaysia Techlympics. Antara teknologi yang sedang berkembang pesat adalah teknologi kecerdasan buatan atau *Artificial Intelligence* (AI) yang banyak digunapakai dalam bidang perniagaan dan beberapa industri yang berkaitan.

Melihat kepada kepentingan teknologi ini kepada negara, antara pengisian aktiviti dan pertandingan Malaysia Techlympics turut menekankan aspek teknologi terkini seperti kecerdasan buatan, pengekodan, pengkomputeran, dron dan banyak lagi sebagai wadah dan pendedahan awal bagi para pelajar dan belia dalam teknologi pesat ini.

TAMAT

Dikeluarkan oleh:

KEMENTERIAN SAINS, TEKNOLOGI DAN INOVASI
23 OGOS 2026